



Broj: 1137/21

Datum: 07.05.2021. godine

Na osnovu člana 54. Zakona o visokom obrazovanju („Službeni glasnik Republike Srpske“ broj 67/20), Senat Univerziteta na sjednici održanoj dana 07.05.2021. godine d o n o s i

**IZMJENE I DOPUNE KODEKSA PONAŠANJA I OBLAČENJA NASTAVNOG I
NENASTAVNOG OSOBLJA, KAO I STUDENATA NA UNIVERZITETU ZA POSLOVNE
STUDIJE BANJA LUKA BROJ 366/12 OD 27.01.2012.GODINE, KAO I IZMJENA I DOPUNA
BROJ 4063/14 OD 10.09.2014. GODINE**

Član 1.

Član 19. Kodeksa ponašanja i oblačenja nastavnog i nenastavnog osoblja, kao i studenata na Univerzitetu za poslovne studije Banja Luka mjenja se i glasi:

Odjeća / nastavno osoblje i radnice u drugim službama / žene:

1. Haljina ili suknja moraju biti do ili ispod koljena. Preduboki izrezi na haljinama ili suknjama nisu dozvoljeni.
2. Rukavi na košuljama ili majicama moraju da pokrivaju širinu ramena.
3. Majice na bretele bez jakne su neprihvatljive.
4. Dužina majice ili košulje mora da prekriva stomak.
5. Tekstas hlače su dozvoljene u kombinaciji koja je prikladna obavljanju poslovnih zadataka (nastavnih i vannastavnih), **dakle u kombinaciji sa sakoom, košuljom i ostalom poslovnom garderobom.**
6. Nakit treba biti jednostavan i neupadljiv (veliki lanci, velike naušnice, nakit na tijelu, obrvi, jeziku, usni nije dozvoljen).
7. Odjevna kombinacija ne bi trebala da sadrži više od tri boje. Fluorescentne boje nisu dozvoljene.
8. Kosa mora biti uredno i pravilno dotjerana bez upadljivi detalja.
9. Boja kose mora biti umjerena (sprejevi za kosu u jarkim bojama nisu dozvoljeni).
10. Nokte treba uredno održavati i lakirati umjerenim bojama, a radovi na noktima ne smiju biti upadljivi.
11. Sportske patike i papuče nisu dozvoljene osim ako radnica nije posebno ovlaštena.
12. Cipele sa visokim platformama nisu dozvoljene.
13. Tetovaže na vidljivim dijelovima tijela nisu dozvoljene.
14. Prekrivanje glave kapama, maramama, šeširima, kačketima nije dozvoljeno u zatvorenim prostorijama.
15. Odjeća ne smije biti prekomjerno uska, **niti** providna tako da se vidi donji veš.
16. Iстicanje vjerskih obilježja nije dozvoljeno.

17. Prateći (modni) dodaci (torbe, ešarpe, šalovi, ruksaci i sl.) moraju biti primjereni ostatku odjevne kombinacije i obavljanju poslovnih zadataka (nastavnih i vannastavnih).

Odjeća / nastavno osoblje i radnici u drugim službama / muškarci:

1. Rukavi na košuljama ili majicama moraju da pokrivaju širinu ramena.
2. Sportska odjeća (trenerke, duksevi) nije dozvoljena.
3. Poželjno je nositi hlače u tamnim nijansama (teget plava, crna, smeđa, siva).
4. Hlače ne smiju biti spuštene ispod kukova i **moraju biti kroja primjerenog poslovnom oblačenju**.
5. Teksas hlače su dozvoljene u kombinaciji koja je prikladna obavljanju poslovnih zadataka (nastavnih i vannastavnih), **dakle u kombinaciji sa sakoom, košuljom i ostalom poslovnom garderobom**.
6. Odjevna kombinacija ne bi trebala da sadrži više od tri boje. Fluorescentne boje nisu dozvoljene.
7. Kratke hlače (bermude, šorcevi) nisu dozvoljene.
8. Čarape se moraju nositi sa cipelama i dužina mora biti do pola potkoljenice.
9. Sportske patike i papuče nisu dozvoljene osim ako radnik nije posebno ovlašten.
10. Nakit treba biti jednostavan i neupadljiv (veliki lanci, velike naušnice, nakit na obrvi, jeziku, usni nije dozvoljen).
11. Kosa treba biti uredno podšišana i njegovana.
12. Tetovaže na vidljivim dijelovima tijela nisu dozvoljene.
13. Prekrivanje glave kapama, maramama, šeširima, kačketima nije dozvoljeno u zatvorenim prostorijama.
14. Odjeća ne smije biti prekomjerno uska, **niti** providna tako da se vidi donji veš.
15. Isticanje vjerskih obilježja nije dozvoljeno.
16. Prateći (modni) dodaci (torbe, ešarpe, šalovi, ruksaci i sl.) moraju biti primjereni ostatku odjevne kombinacije i obavljanju poslovnih zadataka ((nastavnih i vannastavnih)).

Odjeća / studenti / žene i muškarci:

1. Haljina ili sukњa moraju biti do ili ispod koljena. Preduboki izrezi na haljinama ili suknjama nisu dozvoljeni.
2. Rukavi na košuljama ili majicama moraju da pokrivaju širinu ramena.
3. Majice na bretele bez jakne su neprihvatljive.
4. Dužina majice ili košulje mora da prekriva stomak.
5. Hlače ne smiju biti spuštene ispod kukova.
6. Tekسas hlače su dozvoljene.
7. Kratke hlače (bermude, šorcevi) nisu dozvoljene.
8. Sportske patike i sandale su dozvoljene.
9. Otvorene papuče i japanke nisu dozvoljene.
10. Nakit, nakit na tijelu, obrvi, jeziku, usni je dozvoljen u mjeri i na način koji ne narušavaju izgled i ugled studenta za vrijeme obavljanja studentskih obaveza.
11. Prekrivanje glave kapama, maramama, šeširima, kačketima nije dozvoljeno u zatvorenim prostorijama.
12. Odjeća ne smije biti prekomjerno uska i providna tako da se vidi donji veš.
13. Isticanje vjerskih obilježja nije dozvoljeno.
14. Prateći (modni) dodaci (torbe, ešarpe, šalovi, ruksaci i sl.) moraju biti primjereni ostatku odjevne kombinacije i obavljanju studentskih obaveza.

Član 2.

Izmjene i dopune kodeksa stupaju na snagu danom usvajanja.

